

摘藻堂四庫全書薈要

集部

欽定四庫全書蒼要卷一萬七千八百九十七

集部

御定全唐詩卷四百九十二

殷堯藩

殷堯藩蘇州嘉興人元和中登進士第辟李翱長沙幕府加監察御史又嘗為永樂令詩一卷

吳宮

吳王愛歌舞夜夜醉嬋娟見日吹紅燭和塵掃翠鈿徒令句踐霸不信子胥賢莫問長洲草荒涼無限年

久雨

雲影蔽遙空無端淡復濃
兩旬綿密雨二月似深冬
詩酒從教數簾幃一任重
孰知春有地微露小桃紅

郊行逢社日

酒熟送迎便村村慶有年
妻孥親稼穡老稚効漁畋
紅樹青林外黃蘆白鳥邊
稔看風景美寧不羨歸田

過友人幽居

身坐衆香國蒲團詩思新一
貧曾累我此興未輸人陋

巷誰為俗寒窓不染塵石齋盟四友年下頓生春

過雍陶博士邸中飲

一作贈
陳十四

落葉下蕭蕭幽居遠市朝偶成投轄飲不待致書招塞
鴈衝寒過山雲傍檻飄此身何所似天地一漁樵

遊王羽士山房

落日半樓明琳宮事事清山橫萬古色鶴帶九臯聲易
作神仙侶難忘父子情道人應識我未肯說長生

署中答武功姚合

原中多陰雨惟留一室明自宜居靜者誰得問先生深
井泉香出危沙藥更榮全家笑無辱曾不見戈兵

贈龍陽尉馬戴

早學全身術惟令耕近田自輸官稅後常卧晚雲邊細
草沿堦長高蘿出石懸向來名姓茂空被外情牽

上巳日

一作三日贈都上人

三月初三日千家與萬家蝶飛秦地草鶯入漢宮花鞍
馬皆爭麗笙歌盡鬪奢吾師無所願惟願老煙霞

曲水公卿宴香塵盡滿街無心修禊事獨步到禪齋細
草縈愁目繁花逆旅懷綺羅人走馬遺落鳳皇釵

送沈亞之尉南康

行邁南康路客心離怨多暮煙葵葉屋秋月竹枝歌孤
鶴唳殘夢驚猿嘯薜蘿對江翹首望愁淚叠如波

奉送劉使君王屋山隱居

散髮風簷下沈沈日漸曛鷹拳擒野雀蛛網獵飛蚊羣
動能歸計吾生亦謾勤塵緣難著眼晚興寄青雲

寄許渾秀才

文字飢難煮為農策最良興來鉏曉月倦後卧斜陽秋
稼連千頃春花醉幾場任他名利客車馬鬧康莊

送客遊吳

吳國水中央波濤白渺茫衣逢梅雨漬船入稻花香海
戍通鹽竈山村帶蜜房欲知蘇小小君試到錢塘

陸丞相故宅

衣冠零落久今日事堪傷厨起青烟薄門開白日長殘

梅歌古道名石卧顏牆山色依然好興衰未可量

中元日觀諸道士步虛

玄都開秘籙白石禮先生上界秋光淨中元夜氣

一作景

清星辰朝帝處鸞鶴步虛聲玉洞

一作樹

花長發

一作難老珠

宮月最明掃壇天地肅投簡鬼神驚儻賜刀圭藥還留
不死名

醉贈劉十二

一作寄嶺南張明府

春草正淒淒知君過

一作道

惡溪鶯將吉了語猿共猓然

啼別路魂先斷還家夢幾迷定尋雷令劍應識越王筭
樹色多於北潮聲少向西柳花好為酒誰伴醉如泥

早朝

曙鍾催入紫宸朝列炬流虹映絳綃天近鰲頭花簇仗
風低豹尾樂鳴韶衣冠一變無夷俗律令重頒有正條
昨日鍾山甘露降玻璃滿賜出宮瓢

帝京二首

列郡徵才起俊髦萬機獨使聖躬勞開藩上相頒龍節

破虜將軍展豹韜地入黃圖三輔壯天垂華蓋七星高
迎春別賜瑤池宴捧進金盤五色桃

龍虎山河御氣通遙瞻帝闕五雲紅英雄盡入江東籍
將相多收薊北功禮樂日稽三代盛梯航歲貢萬方同
都將儉德熙文治淳俗應還太古風

宮詞

悄悄深宮不見人倚闌惟見石麒麟芙蓉帳冷愁長夜
翡翠簾垂隔小春天遠難通青鳥信風寒欲動錦花茵

夜深怕有羊車過自起籠燈看雪紋

郊居作

碧樹濃陰護短垣蒼江春暖渚鳧喧買魚試喚鳴榔艇
尋鶴因行隔壠村生理何憑文是業世情縱遣酒盈樽
相逢謂我迂踈甚欲辨還憎恐失言

閒居

茂苑閒居木石同旋開小徑翦蒿蓬虛遊心在鴻濛外
穴處身疑培塿中花影一闌吟夜月松聲半榻卧秋風

百年寄傲聊容膝何必高車駟馬通

暮春述懷

為客山南二十年愁來况近落花天陰雲帶雨連山脊
濕氣成嵐滴樹巔隣屋有聲敲石火野禽無語避茶煙
此時若遇孫陽顧肯服鹽車不受鞭

端午日

少年佳節倍多情老去誰知感慨生不効艾符趨習俗
但祈蒲酒話昇平鬢絲日日添頭白榴錦年年照眼明

千載賢愚同瞬息幾人湮沒幾垂名

九日

萬里飄零十二秋不堪今倚夕陽樓
壯懷空擲班超筆
久客誰憐季子裘
瘴雨蠻烟朝暮景
平蕪野草古今愁
酣歌欲盡登高興
強把黃花插滿頭

九日病起

重陽開滿菊花金
病起檣牀惜賞心
紫蠟霜肥秋縱好
綠醅蟻滑晚慵斟
眼窺薄霧行殊倦
身怯寒風坐未禁

沈醉又成來歲約
遣懷聊作記時吟

寒夜

雪冷江空歲暮時
竹陰梅影月參差
雞催夢枕司晨早
更咽寒城報點遲
人事紛華潛動息
天心靜默運推移
憑誰蕩滌窮殘候
入眼東風喜在期

喜雨

臨岐終日自裴回
乾我茅齋半畝苔
山上亂雲隨手變
浙東飛雨過江來
一元和氣歸中正
百怪蒼淵起蟄雷

千里稻花應秀色酒樽風月醉亭臺

春遊

明日城東看杏花叮嚀童子蚤將車路從丹鳳樓前過
酒向金魚館裏賒綠水滿溝生杜若暖雲將雨濕泥沙
絕勝羊傅襄陽道車騎西風擁鼓笳

夜酌溪樓

樓居溪上涼生早坐對城頭起暮笳打鼓泊船何處客
搗衣隔竹是誰家玉繩低轉宵初迴銀燭高燒月近斜

得意引杯須痛飲好懷那許負年華

旅行

一作金陵道中

煙樹寒林半有無野人行行李更蕭疎
長堠短逢官馬山北山南聞鷓鴣
萬里關河成傳舍五更風雨憶呼盧
寂寥一點寒燈在酒熟隣家許夜沽

下第東歸作

十載驅馳倦荷鋤三年生計鬢蕭疎
辛勤幾逐英雄後乙榜猶然姓氏虛
欲射狼星把弓箭休將螢火讀詩書

身賤自慚貧骨相朗嘯東歸學釣魚

還京口

黃鶴山頭雪未消行人歸計在今朝
城高鐵甕江山壯地接金陵草木彫
北府市樓聞舊酒南橋官柳識歸橈
吏民莫見參軍面水宿風餐鬢髮焦

襄口阻風

雪浪排空接海門孤舟三日阻龍津
曹瞞曾墮周郎計王導難遮庾亮塵
鷗散白雲沈遠浦花飛紅雨送殘春

篙師整纜候明發
仍謁荒祠問鬼神

潭州獨步

鶴髮垂肩懶著巾
晚涼獨步楚江濱
一帆暝色鷗邊雨
數尺筇枝物外身
習巧未逢醫拙手
聞歌先識採蓮人
笑看斥鷃飛翔去
樂處蓬萊便有春

金陵懷古

黃道天清擁珮珂
東南王氣秣陵多
江吞彭蠡來三蜀
地接崑崙帶九河
鳳闕曉霞紅散綺
龍池春水綠生波

華夷混一歸真主端拱無為樂太和

登鳳凰臺二首

鳳凰臺上望長安五色宮袍照水寒
綵筆十年留翰墨銀河一夜卧闌干
三山飛鳥江天暮六代離宮草樹殘
始信人生如一夢壯懷莫使酒杯乾

梧桐葉落秋風老人去臺空鳳不來
梁武臺城芳草合吳王宮殿野花開
石頭城下春生水燕子堂前雨長苔
莫問人間興廢事百年相遇且銜杯

韓信廟

長空烏盡將軍死無復中原入馬蹄身向九泉還屬漢
功超諸將合封齊荒涼古廟惟松柏咫尺長陵又鹿麋
此日深憐蕭相國竟無一語到金閨

訪許渾

去郭來尋隱者居柳陰假步小籃輿每期會面初償約
却計論心舊得書淺綠垣牆綿薜荔淡紅池沼映芙蓉
為言肯共留連飲澗有青芹罟有魚

李舍人席上感遇

一作
寓意

微雲斂雨天氣清
松聲出樹秋泠泠
窓戶長含碧蘿色
溪流時帶蛟龍腥
一官到手不可避
萬事役我徒勞形
飄然曳杖出門去
無數好山江上橫

和趙相公登鸛雀樓

樓在河中府前瞻
中條下瞰大河

危樓高架沈寥天
上相閒登立綵旃
樹色到京三百里
河流歸漢幾千年
晴峰聳日當周道
秋穀垂花滿舜田
雲路何人見高志
最看西面赤闌前

冬至酬劉使君

異鄉冬至又今朝回首家山入夢遙
漸喜一陽從地復却憐羣沴逐冰消
梅含露蘂知迎臘柳拂宮袍憶候朝
多少故人承宴賞五雲堆裏聽簫韶

李節度平虜詩

百萬王師下日邊將軍雄畧可圖全
元勳未論封茅異捷勢應如破竹然
燕警無烽清朔漠秦文有寶進藍田
太平從此銷兵甲記取紅羊換劫年

金陵上李公垂侍郎

海國微茫散曉暎鬱葱佳氣滿乾坤六朝空據長江險
一統今歸聖代尊西北諸峰連朔漠東南衆水合崑崙
願從吾道禧文運再使河清俗化淳

贈惟儼師

煥然文采照青春一策江湖自在身雲鎖木龕聊息影
雪香紙襖不生塵談禪早續燈無盡護法重編論有神
擬掃綠陰浮佛寺杪權高樹結為隣

寄許渾秀才

萬木驚秋葉漸稀，靜探造化見玄機。
眼前惟悟先天理，去後還知今日非。
樹擁秣陵千嶂合，雲開蕭寺一僧歸。
漢廷累下求賢詔，未許嚴陵老釣磯。

送白舍人渡江

曉發龍江第一程，諸公同濟似登瀛。
海門日上千峰出，桃葉波平一棹輕。
橫鎖已沈王濬筏，投鞭難阻謝玄兵。
片時喜得東風便，回首鐘聲隔鳳城。

送劉禹錫侍御出刺連州

遐荒迢遞五羊城歸興濃消客裏情家近似忘山路險
土甘殊覺瘴烟輕梅花清入羅浮夢荔子紅分廣海程
此去定知償隱趣石田春雨讀書耕

送韋侍御報使西蕃

歸奏聖朝行萬里却銜天詔報蕃臣本是諸生守文墨
今將匹馬靜烟塵旅宿關河逢暮雨春耕亭障識遺民
此去多應收故地寧辭沙塞往來頻

寒食城南即事因訪藍田韋明府

閒出城南禁火天
路傍騎馬獨搖鞭
青松古墓傷碑碣
紅杏春園羨管弦
徒說鷓鴣膏玉劍
漫誇蚨血點銅錢
世間盡是悠悠事
且飲韋家冷酒眠

送源中丞使新羅

一作姚合詩

赤墀奉命使殊方
官重霜臺紫綬光
玉節在船清海怪
金函開詔撫夷王
雲晴漸覺山川異
風便寧知道路長
誰得似君將雨露
海東萬里灑扶桑

送景玄上人還山

嵩陽聽罷講經鐘，遠訪庭闈錫度空。
蒲履謾從歸後織，衲衣猶記別時縫。
地橫龍朔連沙暝，山入烏桓碧樹重。
梵宇傳來金貝葉，花前拜捧慰親容。

宮人入道

卸却宮妝錦繡衣，黃冠素服製相宜。
錫名近奉君王旨，佩籙新叅老氏師。
白晝無情趨玉陛，清宵有夢步瑤池。
綠鬟女伴含愁別，釋盡當年妬寵私。

友人山中梅花

南國看花動遠情
沈郎詩苦瘦容生
鐵心自儼山中賦
玉笛誰將月下橫
臨水一枝春占早
照人千樹雪同清
好風吹醒羅浮夢
莫聽空林翠羽聲

客中有感

天地一身在頭顱
五十過流年消壯志
空使淚成河

憶家二首

新霽颺林初
蘋花貼岸舒
故鄉今夜月
猶得照孤廬

樹擁溪邊閣山浮雨後嵐白頭歸未得夢裏望江南

江行二首

暝色滄州迴秋聲玉峽長只因江上月不覺過潯陽
晚泊長江口寒沙白似霜年光流不盡東去水聲長

偶題

越女收龍眼蠻兒拾象牙長安千萬里走馬送誰家

關中傷亂後

去歲干戈險今年蝗旱憂關西歸戰馬海內賣耕牛

楚江懷古

騷靈不可見楚些竟誰聞
欲采蘋花去滄州隔暮雲

張飛廟

威名垂萬古勇力冠當時
回首三分國何人賦黍離

生公講臺

暝色護樓臺陰雲晝未開
一塵無處著花雨遍蒼苔

席上聽琴

高堂流月明萬籟不到耳
一聽清心魂飛絮春紛起

酬雍秀才二首

晚市人烟合歸帆帶夕陽棲遲未歸客猶著錦衣裳
卧病茅窓下驚聞兩月過興來聊試詠清婉逼陰何

竹

窓戶盡蕭森空階凝碧陰不緣冰雪裏為識歲寒心

春怨

柳花撲簾春欲盡綠陰障林鶯亂啼祗愁明日送春去
落日滿園啼竹雞

館娃宮

宮女三千去不回
真珠翠羽是塵埃
夫差舊國久破碎
紅燕自歸花自開

漢宮詞三首

成帝夫人淚滿懷
璧宮相趁落空階
可憐玉貌花前死
惟有君恩白燕釵

霍家有女字成君
年少教人著繡裙
枉殺宮中許皇后
椒房恩澤是浮雲

駿馬金鞍白玉鞭
宮中來取李延年
承恩直入鴛鴦殿
一曲清歌在九天

同州端午

鶴髮垂肩尺許長
離家三十五端陽
兒童見說深驚訝
却問何方是故鄉

夜過洞庭

笙歌只解鬧花天
誰是敲冰掉小船
為覓瀟湘幽隱處
夜深載月聽鳴泉

遊山南寺二首

山中盡日無人到
竹外交加百鳥鳴
昨日小樓微雨過
櫻桃花落晚風晴

踏碎羊山黃葉堆
天飛細雨隱輕雷
朗陵莫訝來何晚
不忍聽君話別杯

寄太僕田卿二首

客窓強飲太匆匆
急雨寒風意萬重
鸞上心來消未得
夢回又聽五更鐘

一陽纔動伏羣陰萬物於今寓太音若喜長生添線日
微微消息識天心

新昌井

轆轤千轉勞筋力待得甘泉渴殺人且共山麋同飲澗
玉沙鋪底淺磷磷

經靖安里

巷底蕭蕭絕市塵供愁疎雨打黃昏悠然一曲泉明調
淺立閒愁輕閉門

聞箏歌

淒淒切切斷腸聲
指滑音柔萬種情
花影深沈遮不住
度幃穿幙又殘更

吹笙歌

伶兒竹聲愁繞空
秦女淚濕燕支紅
玉桃花片落不住
三十六簧能喚風

贈歌人郭婉二首

石家金谷舊歌人
起唱花筵淚滿巾
紅粉少年諸弟子

一時惆悵望梁塵

雲滿衣裳月滿身
輕盈歸步過流塵
五更無限留連意
常恐風花又一春

潭州席上贈舞柘枝妓

姑蘇太守青娥女
流落長沙舞柘枝
坐滿繡衣皆不識
可憐紅臉淚雙垂

句


瘴雨出虹蜃
蠻煙渡江急
嘗聞島夷俗
犀象滿城邑

寄嶺

南張明甫見
方輿勝覽



御定全唐詩卷四百九十二



總校官庶吉士臣張能照

校對官庶吉士臣許兆椿

謄錄舉人臣胡鼎蓉

欽定四庫全書薈要

集部

御定全唐詩卷四百九十三
四

詳校官原任事
臣李斯咏

欽定四庫全書薈要卷一萬七千八百九十八

集部

御定全唐詩卷四百九十三

沈亞之

(沈亞之)

沈亞之字下賢吳興人登元和十年進士第歷殿中丞
御史內供奉太和初為德州行營使柏耆判官耆貶亞
之亦謫南康尉終郢州掾集九卷今編詩一卷

虎丘山真娘墓

金釵淪劍壑茲地似花臺油壁何人值遇

一作

錢塘度曲

哀翠餘長染柳香重欲薰梅但道行雲去應隨魂蝶一作

夢來

答殷堯藩贈罷涇源記室

勞君輟雅話聽說事疆場提筆從征虜飛書始伏羌河
流辭馬嶺節卧聽龍驤孤負平生劍空憐射斗光

五月六日發石頭城步望前船示舍弟兼寄侯

郎

客子去淮陽逶迤一作蹉跎別夢長水關開夜鎖霧櫂起晨

涼一作裝煙月期同賞風波忽異行隱山一作帆曾撼櫓轉

瀨指遙檣蒲葉吳一作翦刀綠筠筒楚粽香因書報惠一作錢

司一作遠為我憶檀郎

別龐子肅

自為應仙才丹砂鍊幾迴山秋夢桂樹月曉憶瑤臺雨

雪依巖避一作別煙雲逐步開今朝龍仗去早晚鶴書來

春色滿皇州

何處春輝一作歸好偏宜在雍州花明夾城道柳暗曲江

頭風軟游絲重光融瑞氣浮鬪雞憐短草乳燕傍高樓

繡轂盈香陌新泉溢御溝迴

一作行

看日欲暮還

一作迴

騎

似川流

宿白馬津寄寇立

一作至

客思聽蛩嗟秋懷似亂砂
劍頭懸日影蠅

一作龜

鼻落燈

花天外歸鴻斷漳南別路賒
聞君同旅舍幾得夢還家

汴州船行賦岸傍所見

古木曉蒼蒼秋林拂岸香
露珠蟲網細金縷兔絲長
長秋

浪時迴沫驚鱗乍觸航蓬煙拈綠線棘實綴紅囊亂穗
搖鼉尾出垂一作根挂鳳腸聊持一濯足誰道比滄浪

送文穎上人遊天台

露花浮翠瓦鮮思起芳叢此際斷客夢况復別志公既
歷天台去言過赤城東莫說人間事崎嶇塵土中

宿後自華陽行次昭應寄王直方

重歸能幾日物意早如春暖色先驪岫寒聲別鴈羣川
光如戲劍帆態似翔雲為報東園蝶南枝日已曛

題海榴樹呈八叔大人

曾在蓬壺伴衆仙文章枝葉五雲邊

鮮一作

幾時奉宴瑤

臺下何日移榮玉砌前染日裁霞深

假一作

雨露凌寒送

暖占風煙應笑強如河畔柳逢波逐

隨一作

浪送

一作

張

騫

西蕃請謁廟

肅肅層城裏巍巍祖廟清聖恩覃布獲異域獻精誠冠
蓋分行列戎夷辨姓名禮終齊百拜心潔表忠貞瑞氣

千重色簫韶九奏聲仗移迎日轉旌動逐風輕休運威
儀正年推俎豆盈不才慙聖澤空此望華纓

勸政樓下觀百官獻壽

一本無觀字

御氣黃花節臨軒紫陌頭早陽生彩仗霽色入仙樓獻

壽皆

一作比

鴛鴦瞻天在冕旒菊尊開九日鳳歷啓千秋

樂闋祥煙起杯酣瑞影收年年歌舞夕此地慶皇休

山出雲

片雲朝出岫孤色迥難親蓋小辭山早根輕觸石新飄

揚經綠野明麗照青春
拂樹疑舒葉臨江似結鱗
從龍方有感捧日豈無因
看助為霖去恩沾雨露均

曲江亭望慈恩杏花發

曲臺晴好望近接梵王家
十畝開金地千株發杏花
帶雲猶誤雪映日欲欺霞
紫陌傳香遠紅泉落影斜
園中春尚早亭上路非賒
芳景偏堪賞其如惜歲華

村居

有一作無樹巢宿鳥無酒共客醉
月上蟬韻殘梧桐陰繞

地獨出村舍門吟劇微風起蕭蕭蘆荻叢叫嘯如山鬼
應緣我憔悴為我哭秋一作思
發愁

春詞酬元微之

一作施肩吾詩

黃鶯

一作鳥

啼時春日高紅芳發盡井邊桃美人手暖裁

衣易片片輕花落剪刀

題侯仙亭

新創仙亭覆石壇雕梁峻宇入雲端嶺北嘯猿高枕聽

湖南山

一作春

色捲簾看

送龐子肅

三年遊宦也迷津馬困長安九陌塵都作無成不歸去

古來妻嫂笑蘇秦

夢輓秦弄玉

亞之自記畧云太和初沈亞之將之邠出長安城客橐泉邸舍春時

晝夢入秦主內史廖家廖舉亞之拜左庶長尚公主弄玉其日有黃衣中貴騎疾馬來延亞之入宮闕甚嚴呼公主出鬢髮著偏袖衣芳妹媚侍女祇承分立左右者數百人召見亞之便館屋亞之於宮題其門曰翠微宮宮人呼為沈郎院一年公主卒公追傷不已將葬咸陽原公命亞之作輓歌應教而作公讀詞善之時宮中有失聲若不忍者公隨泣下亞之送葬咸陽還

以悼悵過戚被病猶在翠微宮然處殿外特室
不居宮中矣居月餘病良已公謂亞之曰敝秦
不足辱大夫盍適大國乎亞之對曰臣無狀不
能從死公主使得歸骨父母國臣不忘君恩時
日將去公追酒高會執爵亞之前曰願沈郎歌
以塞別亞之受命立為歌辭授舞者雜其聲而
和之四座皆泣既再拜辭去公復命至翠微宮
與公主侍人別重入殿內時見珠翠遺碎青階
下窗紗檀點依然宮人泣對亞之亞之感咽良
久因題宮門竟別去公命車駕送出函谷關出
關已送吏曰公命盡此且去亞
之與別語未卒忽驚覺卧邸舍

泣葬一枝紅生同死不同金鈿墜芳草香繡滿春風舊
日聞簫處高樓當月中梨花寒食夜深閉翠微宮

夢別秦穆公

擊鼙舞恨滿煙光無處所
淚如雨欲擬著辭不成語
金鳳銜紅舊繡衣幾度
宮中同看舞人間春日正歡樂
日暮東風何處去

夢游秦宮

一作題
宮門

君王多感放東歸從此秦宮不復期
春景似傷秦喪主
落花如雨淚臙脂

湘中怨并序

湘中怨者事本怪媚為學者未嘗一作不當有述然而

淫溺之人往往不寤今欲概其所論以著誠而已

從生韋教善撰樂府故牽而廣之以應其詠

隆佳秀兮昭盛時播薰一作芳綠兮淑華歸顧室蕙與處

萼兮潛重房以飾姿見稚態之韶羞一作容兮蒙長靄以

為幃醉融光兮渺渺瀰瀰迷千里兮涵煙眉晨陶陶兮

暮熙熙舞媵那之穠條兮騁盈盈以披遲酖遊一作容顏

兮倡蔓卉穀流蒨霓兮石髮髓旋風光

詞

沂青山兮江之隅拖湘波兮裹綠裾荷拳拳兮未舒匪

同歸兮將焉知

汜人歌

亞之自撰解曰垂拱年中駕在上陽宮太學進士鄭生晨發銅駝里

乘曉月度洛橋聞橋下有哭甚哀生下馬循聲索之見

一艷女翳然蒙袖曰我孤養於兄嫂惡常苦我今欲赴

水故留哀須臾生曰能遂我歸乎應曰婢御無悔遂載

歸與居號曰汜人能誦楚人九歌招魂九辯之書亦常

擬其調賦為怨句其詞麗絕世莫屬者因撰風光詞生

居貧汜人解篋出輕綃一端與賣胡人酬之千金居數

歲生遊長安是夕謂生曰我湘中蛟宮之婢也謫而從

君今歲滿無以久留君所欲為訣耳即相持啼泣生留

之不能竟去後十餘年生之兄為岳州刺史會上巳日

與家徒登岳陽樓望鄂渚張宴樂酣生愁吟曰情無垠

兮蕩洋洋懷佳期兮屬三湘聲未終有畫艫浮漾而來

中為綵樓高百餘尺其上施帷帳欄籠畫飾帷裏有彈

弦鼓吹者皆神仙蛾眉被服煙霓裙袖皆廣尺其中一人起舞且歌含頻淒怨形類泥人舞畢斂袖翔然凝望樓中縱觀方始須臾風濤崩怒遂迷所往元和十三年余聞之朋中因悉補其詞題之曰湘中怨蓋欲使南昭嗣煙中志為偶倡也

文祝延二闕

文祝延之指其本禱祠閩人歌其質也閩侯居政民蔭而安他日侯恙在體巷野之祈祠于神者皆以請侯益憂焉後得間而詞乃舒其俗以為言俚不足自道或謂軍副者能變風從律善闡物志因

耆耄為請於是與文以通其意且以古之得人者

皆祝延之今復用言命為篇目其詞二

一本有
關字

閩山之杭杭兮水壩壩吞荒抱大兮香疊層騰氣清渾
兮朝昏神生其中兮宅幽凝居如山兮惠如水處端卓
兮赴下而忘鄙集人之祈兮從人之所市攀清明兮叩
髣髴我民清兮期吉日願聽誠兮陳所當侯臨我兮恩
如光照導兮天一作照覆惠流吾兮樂且康恭聞侯兮飲
食失常民縈一作憂兮心若一作瘡飽我之飢兮侯由

有一作百穀神有澤兮宜蔭沃脫侯之恙兮歸侯之多福

羣卑勤之恭潔兮一作潔恭鑒貞盟乎山竹右一闕為祈神

兕載吹兮音咿咿銅鏡奴兮賊呼賊一作眠睢樟之蓋兮

麓下雲垂幄兮為帷合吾民兮將安維吾侯之康兮樂

欣肴盤列兮荅一作合神神擺漁篁兮降拂窳窳一作窳右

持妓兮左夫人態修邃兮佻眇調丹含瓊兮瑳上聲佳笑

馨炮羶燔兮溢按豆爵益無虛兮菓撫雜佑秋雲清醉

兮流融光巫裾旋兮現袖翔瞪虛凝兮覽迴楊一作陽語

神歡兮酒云

一作味

央望吾侯兮導賞事朝馬駕兮擗寶

轡千弭函弦兮森道騎吾何樂兮神軒維侯之康兮居

遊自遂

右一關
為酬神

欽定四庫全書薈要卷一萬七千八百九十九

集部

御定全唐詩卷四百九十四

施肩吾

施肩吾字希聖洪州人元和十年登第隱洪州之西山為詩竒麗西山集十卷今編詩一卷

及第後過楊子江

憶昔將貢年抱愁此江邊魚龍互閃爍黑浪高於天今

日步春

一作青

草復還

一作

來經此道江神也世情為我風

色好

夜宴曲

一作詞

蘭缸如晝曉不眠玉堂一作爐夜起沈香烟青娥一行十

二仙欲笑不笑桃花然碧牕弄嬌一作粧梳洗晚戶外不

知銀漢轉被郎嗔罰琉璃一作屠蘓盞酒入四肢紅玉軟

效古興一作體

金雀一作黃金無舊釵絀綺無舊裾唯有一寸心長貯萬里

夫南軒夜蟲織已促北牖飛蛾遠殘燭祇言衆口鑠千

一作黃 金誰信獨愁銷片玉不知歲晚歸不歸又將啼一作

淚 眼縫征衣

古別離二首

古人謾歌西飛燕十年不見狂夫面三更風作切夢刀
萬轉愁成繫腸線所嗟不及牛女星一年一度得相見
老母別愛子少妻送征郎血流既四面乃一斷二腸不
愁寒無衣不怕飢無糧惟恐征戰不還鄉母化為鬼妻

為孀

壯士行

一斗之膽撐臟腑如礪之筋礙臂骨有時候入千人叢
自覺一身橫突兀當今四海無烟塵胸襟被壓不得伸
凍臬殘蠶我不取污我匣裏青蛇鱗

代征婦怨

寒牕羞見影相隨嫁得五陵輕薄兒長短豔歌君自一作

不解淺深更漏妾偏知畫裙多淚鴛鴦濕雲鬢慵梳玳
瑁垂何事不看霜雪裏堅貞惟有古松枝

送人客一作南游

見說南行遊一作偏不易中途莫忘寄書頻
凌空瘴氣隨

飛鳥解語山魃惱病人閩縣綠娥能引客
泉州烏藥好

可一作防身異花奇竹分明看待汝歸來
畫取真

贈邊將

輕生奉國不為難戰苦身多舊箭癥玉匣鎖龍鱗
甲冷

金鈴襯鶻羽毛寒皂貂擁出花當背白馬騎來
月在鞍

猶恐犬戎臨虜塞柳營時一作把陣圖看

上禮部侍郎陳情

九重城裏無親識，八百人中獨姓施。
弱羽飛時攢箭險，蹇驢行處薄冰危。
晴天欲照盆難反，貧女如花鏡不知。
却向從來受恩地，再求青律變寒枝。

早春殘雪

春景照林巒，玲瓏雪影殘。
井泉添碧甃，藥圃洗朱欄。
雲路迷初醒，書堂映漸難。
花分梅嶺色，塵減玉堦寒。
遠稱棲松鶴，高宜點露盤。
佇逢春律後，陰谷始堪看。

送端上人遊天台

師今欲向天台去，來說天台意最真。
溪過石橋為險處，路逢毛褐是真人。
雲邊望字鐘聲遠，雪裏尋僧腳跡新。
只可且論經夏別，莫教琪樹兩迴春。

惜花

落盡萬株紅，無人解繫風。
今朝芳徑裏，惆悵錦機空。

衝夜行

夜行無月時，古路多荒榛。
山鬼遙把火，自照不照人。

夜愁曲

歌者歌未絕，愁人愁轉增。
空把琅玕枝，強挑無心燈。

雜古詞

一作古曲

五首

可憐江北女，慣唱江南曲。
搖蕩木蘭舟，雙鳧不成浴。

郎為七上香，妾作為

一作

籠下灰歸時，即

一作

暖熱去罷

生塵埃

夜裁鴛鴦綺，朝織蒲桃綾。
欲試一寸心，待縫三尺冰。

憐時魚得水，怨罷商與參。
不如山梔子，却能解

一作

結同

心

紅顏感暮花白
日同流水思君若
如一作孤燈一夜一心

死

幼女詞

幼女纔六歲未知巧與拙
向夜在堂前學人拜新月

買地詞

買地不惜錢為多芳桂叢
所期在清涼一作景坐起聞香

風

弋陽訪古

行逢葛溪水不見葛仙人
空拋青竹杖呪作葛陂神

幽居樂

萬籟不在耳寂寥心境清
無妨數莖竹時有蕭蕭聲

湘川懷古

湘水終日流湘妃昔時哭
美色已成塵淚痕猶在竹

秋山吟

夜吟秋山上裊裊秋風歸
月色清且冷桂香落人衣

寒夜

三復招隱吟不知寒夜深
看看西來月移到青天心

湘竹詞

萬古湘江竹無窮奈怨何
年年長春筍只是淚痕多

觀花後遊慈恩寺

世事知難了應須問苦空
羞將看花眼來入梵王宮

乞巧詞

乞巧望星河雙雙並綺羅
不嫌針眼小只道月明多

不見來詞

烏鵲語千回黃昏不見來漫教脂粉匣閉了又重開

夜起來

一作起
夜來

香銷連理帶塵覆合歡梧嬾卧相思枕愁吟夜起來

笑卿卿詞

笑向卿卿道耽書夜夜多出來看玉兔又欲過銀河

感遇詞

一種貌如仙人情要自偏羅敷有底好最得使君憐

及第後夜訪月仙子

自喜尋幽夜新當及第年
還將天上桂來訪月中仙

定情樂

敢嗟君不憐自是命不諧
著破三條裙却還雙股釵
感郎雙條脫新破八幅綃
不惜榆莢錢買人金步搖

宿南一上人山房

窗牖月色多坐卧禪心靜
青鬼來試人夜深弄燈影

蘭渚泊

家在洞水西身作蘭渚客天晝無纖雲獨坐空江碧
經吳真君舊宅

古仙煉丹處不測何歲年至今空宅裏時有五色煙
古相思

十訪九不見甚於菖蒲花可憐雲中月今夜隨我家
瀑布

豁開青冥顛寫出萬丈泉如裁一條素白日懸秋天
金尺石

丹砂畫頰石黃金橫一尺人世較短長仙家愛平直

秋洞宿

夜深秋洞裏風雨報龍歸何事觸人睡不教胡蝶飛

效古詞

姊妹無多兄弟少舉家鍾愛年最小有時繞樹山鵲飛
貪看不待畫眉了

山中得劉秀才京書

自笑家貧客到踈滿庭煙草不能鋤今朝誰料三千里

忽得劉京

一作公

一紙書

望夫詞

手藝寒燈向影頻
回文機上暗生塵
自家夫壻無消息
却恨橋頭賣卜人

憶四明山泉

愛彼山中石泉水
幽深夜夜落空

一作夜落空窗

裏至今憶得

卧雲時猶自涓涓在人耳

西山靜中吟

重重道氣結成神玉闕金堂逐日新若數西山得道者
連予便是十三人

天柱山贈峨嵋田道士

古稱天柱連九天峨嵋道士棲其巔近聞教得玄鶴舞
試憑驅出青芝田

夜巖謠

夜上幽巖踏靈草松枝已踈桂枝老新詩幾度惜不吟
此處一聲風月好

島夷行

腥臊海邊多鬼市
島夷居處無鄉里
黑皮年少學採珠
手把生犀照鹹水

帝宮詞

自得君王寵愛時
敢言春色上寒枝
十年宮裏無人問
一日承恩天下知

歎花詞

前日滿林紅錦遍
今日遼林看不見
空餘古岸泥土中

零落胭脂两三片

杜鵑花詞

杜鵑花時天豔然所恨帝城人不識
丁寧莫遣春風吹
留與佳人比顏色

曉光詞

日輪光一作光浮動羲和推東方
一軋天門開風神為我掃
煙霧四海蕩蕩無塵埃

望曉詞

攬衣起兮望秋河濛濛遠霧飛輕羅蟠桃樹上日欲出
白榆枝畔星無多

海邊遠望

扶桑枝邊紅皎皎天雞一聲四溟曉偶看仙女上青天
鸞鶴無多采雲少

聽南僧說偈詞

師子座中香已發西方佛偈南僧說惠風吹盡六條塵
清淨水中初見月

春日美新綠詞

前日萌芽小於粟今朝草樹色已足天公不語能運為
驅遣羲和染新綠

對月憶嵩陽故人

團團月光照西壁嵩陽故人千里隔不知三十六峰前
定為何處峰前客

贈莎地道士

莎地陰森古蓮葉游龜暗老青苔甲池邊道士誇眼明

夜取蟪螟摘蚊睫

效古詞

莫愁新得年十六如蛾雙眉長帶綠初學箜篌四五人
莫愁獨自聲前足

冬日觀早朝

紫煙捧日爐香動萬馬千車踏新凍繡衣年少朝欲歸
美人猶在青樓夢

觀吳偃畫松

君有絕藝終身寶方寸巧心通萬造忽然寫出澗底松
筆下看看一枝老

題山僧水閣

山房水閣連空翠沈沈下有蛟龍睡老僧跌坐入定時
不知花落黃金地

登峴亭懷孟生

峴山自高水自綠後輩詞人心眼俗鹿門才子不再生
怪景幽竒無管屬

吳中代蜀客吟

身狎吳兒家在蜀春深屢唱思鄉曲
峨嵋風景無主人
錦江悠悠為誰綠

戲咏榆荚

風吹榆錢落如雨繞林繞屋來不住
知爾不堪還酒家
漫教夷甫無行處

寄李補闕

蒼生應怪君起遲蒲輪重輦嵩陽道
功成名遂來不來

三十六峰仙鶴老

貧客吟

襤褸敝衣無處結寸心耿耿如刀切今朝欲泣泉客珠
及到盤中却成血

誚山中叟

老人今年八十幾口中零落殘牙齒天陰偃僂帶嗽行
猶向巖前種松子

聞山中步虛聲

何人步虛南峰頂鶴唳九天霜月冷仙詞偶逐東風來
誤飄數聲落塵境

題龍池山人

主人家在龍池側水中有魚不敢食終朝采藥供仙厨
却笑桃花少顏色

翫新桃花

幾歎紅桃開未得忽驚造化新裝飾一種同霑榮盛時
偏荷清光借顏色

山石榴花

深色胭脂碎剪紅，巧能攢合是天公。
莫言無物堪相比，妖豔西施春驛中。

翫友人庭竹

曾去玄州看種玉，那似君家滿庭竹。
客來不用呼清風，此處挂冠涼自足。

秋夜山居二首

幽居正想飡霞客，夜久月寒珠露滴。
千年獨鶴兩三聲。



飛下巖前一枝柏

去鴈聲遙人語絕
誰家素機織新雪
秋山野客醉醒時
百尺老松銜半月

秋夜山中別友人

獨鶴孤雲兩難說明朝
又作東西別知君少壯無幾年
莫愛閒吟老松月

贈別王鍊師往羅浮

道俗駢闐留不住
羅浮山上有心期
却愁仙處人難到

別後音書寄與誰

春日滄霞閣

灑水初晴物候新
滄霞閣上最宜春
山花四面風吹入
為我鋪床作錦茵

喜友再相逢

三十年前與君別
可憐容色奪花紅
誰知日月相催促
此度見君成老翁

侯仙詞

西歸公子何時降南岳先生早晚來巡歷世間猶未遍
乞求鸞鶴且裴回

修仙詞

丹田自種留年藥玄谷長生續命芝世上漫忙兼漫走
不知求己更求誰

夏日題方師院

火天無處買清風悶發時來入梵宮只向方師小廊下
回看門外是樊籠

春游樂

一年三百六十日賞心那似春中物
草迷曲塢渚一作花

滿園東家少年西家出

仙客歸鄉詞二首

六合八荒游未半
子孫零落暫歸來
井邊不認捎雲樹
多是門人在後栽

洞中日月洞中仙
不算離家是幾年
出郭始知人代變
又須拋却古時錢

雲州飲席

酒腸雖滿少歡情
身在雲州望帝城
巡次合當誰改令
先須為我打還京

戲贈李主簿

官罷江南客恨遙
二年空被酒中消
不知暗數春游處
偏憶揚州第幾橋

春詞

一作沈亞之詩

黃鳥啼多春日高
紅芳開盡井邊桃
美人手暖裁衣易

片片輕雲落剪刀

題景上人山門

水有青蓮沙有金老僧於此獨觀心
愁人欲借中峰宿
只恐白猿啼夜深

妓人殘粧詞

雲髻已收金鳳皇
巧勻輕黛約殘粧
不知昨夜新歌響
猶在誰家繞畫梁

臨水亭

只怪素亭黏黛色溪烟為我染莓苔欲知源上春風起
看取桃花逐水來

聽范玄長吟

聲聲扣出碧琅玕能使秋猿欲叫難詩興未窮心更遠
手垂青拂向雲看

觀葉生畫花

心竅玲瓏貌亦奇榮枯只在手中移今朝故向霜天裏
點破繁花四五枝

洗丹沙詞

千淘萬洗紫光攢
夜火熒熒照玉盤
恐是麻姑殘米粒
不曾將與世人看

長安春夜吟

露盤滴時河漢微
美人燈下裁春衣
蟾蜍東去鵲南飛
芸香省中郎不歸

自述

篋貯靈砂日日看
欲成仙法脫身難
不知誰向交州去

為謝羅浮葛長官

少年行

醉騎白馬走空衢
惡少皆稱電不如
五鳳街頭新一作
勒轡半垂衫袖揖金吾

越中遇寒食

去歲清明雪溪口
今朝寒食鏡湖西
信知天地心不易
還有子規依舊啼

贈採藥叟

老去唯將藥裏行無家無累一身輕却教年少取書卷
小字燈前鬪眼明

清夜憶仙宮子

夜靜門深紫洞煙孤行獨坐憶神仙三清宮裏月如晝
十二宮樓何處眠

江南怨

愁見橋邊荇葉新蘭舟枕水楫生塵從來不是無蓮采
十頃蓮塘賣與人

送絕塵子歸舊隱二首

雲水千重繞洞門，獨歸何處是桃源。
仙方不用隨身去，留與人間老子孫。

班藤為杖草為衣，萬壑千峰獨自歸。
縱令相憶誰相報，桂樹巖邊人信稀。

送裴秀才歸淮南

怪來頻起詠刀頭，楓葉枝邊一夕秋。
又向江南別才子，却將風景過揚州。

錢塘渡口

天塹茫茫連沃焦
秦皇何事不安橋
錢塘渡口無錢納
已失西興兩信潮

春日宴徐君池亭

暫憑春酒換愁顏
今日應須醉始還
池上有門君莫掩
從教野客見青山

山中送友人

欲折楊枝別恨生
一重枝上一啼鶯
亂山重疊雲相掩

君向亂山何處行

寄王少府

采松仙子徒銷日
喫菜山僧枉過生
多謝藍田王少府
人間詩酒最關情

贈女道士鄭玉華二首

玄髮新簪碧藕花
欲添肌雪餌紅砂
世間風景那堪戀
長笑劉郎漫憶家

明鏡湖中休采蓮
却師阿母學神仙
朱絲誤落青囊裏

猶是箜篌第幾弦

寄西臺李侍御

二千餘里採瓊瓌到處傷心瓦礫堆
唯有繡衣周柱史
獨將珠玉挂西臺

贈凌仙姥

阿母從天降幾時前朝惟有漢皇知
仙桃不啻三回熟
飽見東方一小兒

晚春送王秀才游剡川

越山花去

一作老

剡藤新才子風光不厭春第一莫尋溪

上路可憐仙女愛迷人

馮上人院

擾擾凡情逐水流世間多喜復多憂一回行到馮公院
便欲令人百事休

金吾詞

行擁朱輪錦幘兒望仙門外叱金羈染鬚偷嫩無人覺
唯有平康小婦知

觀舞女

一作妓

纏紅結紫畏風吹
媚娜初回弱柳枝
買笑未知誰是主
萬人心逐一人移

鄆縣村居

欲住村西日日慵
上山無水引高蹤
誰能求得秦皇術
為我先驅紫閣峰

酬周秀才

三展蜀牋皆郢曲
我心珍重甚瓊瑤
應緣水府龍神睡

偷得蛟人五色綃

旅次文水縣喜遇李少府

為君三日廢行程一縣官人是酒朋
共憶襄陽同醉處尚書坐上納銀觥

夏雨後題青荷蘭若

僧舍清涼竹樹新初經一雨洗諸塵
微風忽起吹蓮葉青玉盤中瀉水銀

途中逢少女

身倚西門笑向東牡丹初折一枝紅市頭日賣千般鏡
知落誰家新匣中

山中翫白鹿

繞洞尋花日易銷人間無路得相招
呦呦白鹿毛如雪踏我桃花過石橋

山居樂

鸞鶴一作鳳每於松下見笙歌常向坐
中聞手持十節龍

頭杖不指虛空即指雲

襄陽曲

大堤女兒郎莫尋三三五五結同心
清晨對鏡理一作治
容色意欲取郎千萬金

望夫詞二首

看看北鴈又向一作向南飛
薄倖征夫久不歸
蟾子到頭無信處
凡經幾度上人衣

何事經年斷書信
愁聞遠客說風波
西家還有望夫伴
一種淚痕兒最多

少婦游春詞

簇錦攢花鬪勝遊
萬人行處最風流
無端自向春園裏
笑摘青梅叫阿侯

折柳枝

傷見路邊

傍一作

楊柳春一重

株一作

折盡一重新
今年還

折去年處不送去年離別人

歸將吟

百戰放歸成老翁
餘生得出死人中
今朝授敕三回舞

兩賜青娥又拜公

惜花詞

千樹繁紅遶碧泉
正宜樽酒對芳年
明朝欲飲還來此
只怕春風却在

拋纏頭詞

翠娥初罷繞梁詞
又見雙鬟對舞時
一抱紅羅分不足
參差裂破鳳凰兒

望騎馬郎

碧蹄新壓步初成
玉色郎君弄影行
賺殺唱歌樓上女
伊州誤作石州聲

春日錢塘雜興二首

酒姥溪頭桑裊裊
錢塘郭外柳毵毵
路逢鄰婦遙相問
小小如今學養蠶

西鄰年少問東鄰
柳岸花隄幾處新
昨夜雨多春水闊
隔江桃葉喚何人

翫手植松

却思毫末栽松處青翠纔將衆草分今日散材遮不得
看看氣色欲凌雲

夜笛詞

皎潔西樓月未斜笛聲寥亮入東家却令燈下裁衣婦
誤翦同心一半一作花片

贈鄭倫吹鳳管

喃喃解語鳳凰兒曾聽梨園竹裏吹誰謂五陵年少子
還將此曲暗相隨

蜀茗詞

越碗初盛蜀茗新
薄煙輕處攪來勻
山僧問我將何比
欲道瓊漿却畏嗔

春霽

煎茶水裏花千片
候客亭中酒一樽
獨對春光還寂寞
羅浮道士忽敲門

諷山雲

閒雲生葉不生根
常被重重蔽石門
賴有風簾能掃蕩

滿山晴日照乾坤

日晚歸山詞

虎跡新逢雨後泥
無人處洞邊溪
獨行歸客晚山裏
賴有鷓鴣臨路岐

翫花詞

今朝造化使春風
開折西施面上紅
竟日眼前猶不足
數株昇入寸心中

長安早春

報花消息是春風未見先教何處紅
想得芳園十餘日
萬家身在畫屏中

再酬李先輩

清辭再發郢人家字字新移錦上花
能使龍宮買綃女
低回不敢織輕霞

寄隱者

路絕空林無處問
幽竒山水不知名
松門拾得一片履
知是高人向此行

寄四明山子

高樓只在千峰裏
塵世望君那得知
長憶去年風雨夜
向君窓下聽猿時

觀美人

漆點雙眸鬢繞蟬
長留白雪占胸前
愛將紅袖遮嬌笑
徃徃偷開水上蓮

收妝詞

斜月朧朧照半牀
瑩瑩孤妾嬾收妝
燈前再覽青銅鏡

枉插金釵十二行

仙女詞

仙女羣中名最高
曾看王母種仙桃
手題金簡非凡筆
道是天邊玉兔毛

仙翁詞

世間無遠可為游
六合朝行夕已周
壇上夜深風雨靜
小仙乘月繫蒼虬

遇李山人

遊山遊水幾千重二十年中一度逢別易會難君且住
莫教青竹化為龍

同張鍊師溪行

青溪道士紫霞巾洞裏仙家舊是鄰每見桃花逐流水
無回不憶武陵人

桃源詞二首

天天花裏千家住總為當時隱暴秦歸去不論無舊識
子孫今亦是他人

秦世老翁歸漢世還同白鶴返遼城
縱今記得山川路
莫問當時州縣名

送道友遊山

欲駐如今未老形
萬重山上九芝清
君今若問採芝路
踏水踏雲攀杳冥

贈王屋劉道士

小有洞中長住客
大羅天下後來仙
出門即是尋常處
未可還它跨鶴鞭

謝自然升仙

分明得道謝自然古來漫說尸解仙如花年少一女子
身騎白鶴遊青天

秋吟獻李舍人

腸結愁根酒不消新驚白髮長愁苗主司儻許題名姓
筆下看成度海橋

山中喜靜和子見訪

絕壁深溪無四鄰每逢猿鶴即相親小奴驚出垂藤下

山犬今朝吠一人

春日題羅處士山舍

亂疊千峰掩翠微
高人愛此自忘機
春風若掃階前地
便是山花帶錦飛

訪松嶺徐鍊師

千仞峰頭一謫仙
何時種玉已成田
開經猶在松陰裏
讀到南華第幾篇

江南織綾詞

卿卿買得越人絲
貪弄金梭嬾畫眉
女伴能來看新纂
鴛鴦正欲上花枝

宿蘭若

聽鐘投宿入孤烟
巖下病僧猶坐禪
獨夜客心何處是
秋雲影裏一燈然

題禪僧院

棲禪枝畔數花新
飛作琉璃池上塵
谷鳥自啼猿自叫
不能愁得定中人

送絕粒僧

碧洞青蘿不畏深
免將飢渴累禪心
若期野客來相訪
一室無烟何處尋

早春游曲江

芳處亦將枯槁同
應緣造化未施功
羲和若擬動鑪鞮
先鑄曲江千樹紅

佳人覽鏡

每坐臺前見玉容
今朝不與昨朝同
良人一夜出門宿

減却桃花一半紅

遇王山人

每欲尋君千萬峰
豈知人世也相逢
一瓢遺却在何處
應挂天台最老松

遇醉道士

霞帔尋常帶酒眠
路傍疑是酒中仙
醉來不住人家宿
多向遠山松月邊

送人歸台州

莫驅歸騎且徘徊更遣離情四五杯
醉後不憂迷客路遙看瀑布識天台

贈施仙姑

縹緲吾家一女仙冰容雖小不知年
有時頻夜看明月心在嫦娥几案邊

山院觀花

初來唯見空樹枝今朝滿院花如雪
門前為報諸少年明日來遲不堪折

經桃花夫人廟

誰能枉駕入荒榛
隨例形相土木身
不及連山種桃樹
花開猶得識夫人

代農叟吟

且將一笑悅豐年
漸老那能日日眠
引客特來山地上
坐看秋水落紅蓮

下第春遊

羈情含蘖復含辛
淚眼看花只似塵
天遣春風領春色

不教分付與愁人

送僧遊越

麻衣年少雪為顏，却笑孤雲未是閒。
此去若逢花柳月，棲禪莫向苧蘿山。

遇越州賀仲宣

君在鏡湖西畔住，四明山下莫經春。
門前幾個采蓮女，欲泊蓮舟無主人。

江南積雨歎

人厭為霖水毀溪牀邊生菌路成泥雨師一日三回到
棟裏閒雲豈得棲

雲中道上作

羊馬羣中覓人道鴈門關外絕人家昔時聞有雲中郡
今日無雲空見沙

同諸隱者夜登四明山

半夜尋幽上四明手攀松桂觸雲行相呼已到無人境
何處玉簫吹一聲

戲一本有贈字鄭申府

年少鄭郎那解愁
春來閒卧酒家樓
胡姬若擬邀他宿
挂却金鞭繫紫騮

宿干越亭

琵琶洲上人行絕
干越亭中客思多
月滿秋江山冷落
不知誰問夜如何

少女詞二首

嬌羞不肯點新黃
踏過金鈿出繡牀
信物無端寄誰去

等閒裁破錦鴛鴦

同心帶裏脫金錢
買取頭花翠羽連
手執木蘭猶未慣
今朝初上采菱船

冬詞

錦繡堆中卧初起
芙蓉面上粉猶殘
臺前也欲梳雲髻
只怕盤龍手捻難

昭君怨

馬上徒勞別恨深
總緣如玉不輸金
已知賤妾無歸日

空荷君王有悔心

贈仙子

欲令雪貌帶紅芳更取金瓶瀉玉漿
鳳管鶴聲來未足
嬾眠秋月憶蕭郎

越溪懷古

憶昔西施人未求浣紗曾向此溪頭
一朝得侍君王側
不見玉顏空水流

秋夜山中贈別友人

何處邀君話別情
寒山木落月華清
莫愁今夜無詩思
已聽秋猿第一聲

大堤新詠

行路少年知不知
襄陽全欠舊來時
宜城賈客載錢出
始覺大堤無女兒

宿四明山

黎洲老人命余宿
杳然高頂浮雲平
下視不知幾千仞
欲曉不曉天雞聲

禁中新柳

萬條金線帶春烟
深染青絲不直錢
又免生當離別地
宮鴉啼處禁門前

酬張明府

潘令新詩忽寄來
分明繡段對花開
此時欲醉紅樓裏
正被歌人勸一盃

安吉天寧寺聞磬

玉磬敲時清夜分
老龍吟斷碧天雲
隣房逢見廣州客

曾向羅浮山裏聞

句

年來如拋梭不老應不得

以下見紀事

花眼綻紅斟酒看

藥心抽綠帶煙鋤

贈友人下第閒居

顛狂楚客歌成雪媚賴

吳娘笑是鹽

荷翻紫蓋搖波面蒲瑩青刀插水湄

煙粘薜荔龍鬚軟雨壓芭蕉鳳翅垂

二聯並百韻山居詩所存不見其全

茶為滌煩子酒為忘憂君

見說郭

鋤藥顧老叟焚香

呼小青

見陳繼儒珍珠船

遺却白雞呼州州

音祝見野客叢談

五

通本是佛家奴身著青衣一足無

寺宿為五通所撓作
以下見海錄碎事

天邊有仙藥為我補三關 世人誰不愛年長所欲

皆非保命方 但看日及花惟是朝可憐

花權

池塘已

長雞頭葉籬落初開狗脊花

贈臨平
湖主人

出路船為脚供

官本是奴

贈鹽官
主人

一言感著熱鐵心為人劔下偷青

娥

老俠
詞

青鬢丈人不識愁

御定全唐詩卷四百九十四

謹案卷四百九十三第四頁後四行曲臺晴好望
按別本臺作池

第四頁後六行其如惜歲華刊本惜訛積據別本
改

卷四百九十四第二十八頁後二行莫教青竹化
為龍刊本教訛交據別本改



總校官庶吉士臣張能照

校對官庶吉士臣許兆椿

騰錄舉人臣胡鼎蓉

欽定四庫全書薈要

集部

欽定全唐詩卷四百九十八

五至

詳校官原任主事_臣李斯咏

欽定四庫全書薈要卷一萬七千九百

集部

御定全唐詩卷四百九十五

費冠卿

費冠卿字子軍池州人元和登第母卒歎曰干祿養親
得祿而親喪何以祿為遂隱池州九華山長慶中殿院

李行修舉其孝節召拜右拾遺不赴集一卷今存詩十
一首

不赴拾遺召

一作以拾遺
召不起賦詩

君親同是先王道何如骨肉一處老也知臣子合佐時
自古榮華誰可保

閒居即事

生計唯將三尺僮學他賢者隱牆東照眠夜後多因月
掃地春來祇藉風幾處紅旗驅戰士一園青草伴衰翁
子房仙去孔明死更有何人解指蹤

酬范中丞見

花宮柳陌正從行紫袂金鞍問姓名戰國方須禮干木

康時何必重侯嬴
捧將束帛山僮喜
傳示銀鈎邑客驚
直為雲泥相去遠
一言知己殺身輕

秋日與冷然上人寺莊觀稼

世人從擾擾
獨自愛身閒
美景當新霽
隨僧過遠山村
橋出秋稼空
翠落澄灣灣
唯有中林犬
猶應望我還

題中峰

中峰高拄泐寥天
上有茅菴與石泉
晴景獵人曾望見
青藍色裏一僧禪

蒙召拜拾遺書情二首

拾遺帝側知難得官緊才微恐不勝好是中朝絕親友
九華山下詔來徵

三千里外一微臣二十年来任運身今日忽蒙天子召
自慙驚動國中人

挂樹藤

本為獨立難寄彼高樹枝蔓衍數條遠溟濛千朵垂向
日助成陰當風藉持危誰言柔可屈坐見蟠蛟螭

枕流石

不為幽岸隱古色涵空出願以清泚流鑒此堅貞質傍
臨玉光潤時瀉苔花密徃徃驚遊鱗尚疑垂釣日

久居京師感懷詩

策獨螢一作燭不為苦求名始辛酸上國無交親請謂多少

難九月風到刮一作面羞汗成冰片求名俟公道名與公

道遠力盡得一名他喜我且輕家書十年絕歸去知誰
榮馬嘶渭橋柳特地起秋聲

答蕭建

一本有問九
華山四字

自地上青峰懸崖一萬重
踐危頻側足登塹半齊胸
飛

狖啼攀桂遊人喘倚松
入林寒痒痒痒一作痒
近瀑雨濛濛

徑滑石稜上寺開
山掌中幡花撲淨地
臺殿印晴空勝

境層層別高僧
院院逢泉魚候洗鉢
老獾戲撞鐘外戶

憑雲掩中厨
課水舂搜泥時一作如
和麪拾橡半添種渡

壑緣槎險持燈入
洞窮夾天開壁峭透石
蹙波雄澗藹

清無土潭深碧有龍
畲田一片淨谷樹萬株
濃野客登

臨慣山房幽寂同寒爐樹根火夏牖竹稍風邊鄙籌賢
相黔黎託聖躬君能棄名利歲宴一相從

蕭建

蕭建蘭陵人登進士第終禮部侍郎詩一首

代書問費徵君九華亭一作事

見說九華峰上寺日宮猶在下方開其中幽境客難到
請為詩中圖畫來

劉虛白

劉虛白竟陵人擢元和進士第詩一首

獻主文

一本有盧坦二字虛白與盧坦交友坦主文虛白於簾前獻一絕云

二十年前此夜中一般燈燭一作火一般風不知歲月能多少猶著麻衣待至公

句

知道醉鄉無戶稅任他荒却下丹田

張復

張復元和中人詩一首

山出雲

元和元年試

山靜雲初吐，霏微觸石新。
無心離碧岫，有葉占青春。
散類如虹氣，輕同不讓塵。
凌空還似翼，映澗欲成鱗。
異起臨汾鼎，疑隨出峽神。
為霖終濟旱，非獨降賢人。

張勝之

張勝之元和中人詩一首

山出雲

片雲初出岫，孤迥色難親。
蓋小辭山近，根輕觸石新。
飄

颯經綠野明麗照晴春
拂樹疑舒葉臨流似結鱗
從龍方有感捧日豈無因
看取為霖去恩霑雨露均